


১৩/৬/০২



সরকারী প্রাথমিক শিক্ষকগণ রাজনৈতিক কর্মকাণ্ডে জড়ালে তদন্ত করে ব্যবস্থা স্বাস্থ্যমন্ত্রী

সংসদ রিপোর্টার : সংসদকার্যে প্রাথমিক ও গণশিক্ষা বিভাগের দায়িত্বপ্রাপ্ত স্বাস্থ্য ও পরিবার কল্যাণ মন্ত্রী ডঃ বন্দুকার মোশাররফ হোসেন বলেছেন, সরকারী প্রাথমিক বিদ্যালয়ের শিক্ষকগণও সরকারী কর্মচারী। প্রত্যক্ষভাবে কোন রাজনৈতিক তৎপরতায় তাদের জড়িত হওয়ার সুযোগ নেই। যদি কেউ রাজনৈতিক দলের সমাবেশ-মিছিলে যোগ দিয়ে রাজনৈতিক কর্মীর ভূমিকায় জড়িয়ে যান এবং এ ধরনের সুনির্দিষ্ট অভিযোগ পাওয়া যায় তাহলে তদন্ত করে যথাযথ আইনগত ব্যবস্থা নেয়া হবে।

গতকাল (সোমবার) জাতীয় সংসদের প্রশ্নোত্তরপর্বে চাঁপাইনবাবগঞ্জের অধ্যাপক মোঃ শাহজাহান মিয়ান একটি সম্পূর্ণ প্রশ্নের জবাব দিতে গিয়ে ডঃ বন্দুকার মোশাররফ হোসেন একথা বলেন। বিভিন্ন সদস্যের একাধিক প্রশ্নের জবাবে ডঃ মোশাররফ হোসেন বলেন, যেসব বেসরকারী প্রাথমিক বিদ্যালয় এখনো রেজিস্টার্ড হয়নি নীতিমালার শর্ত পূরণ সাপেক্ষে পর্যায়ক্রমে সেগুলো রেজিস্টার্ড করা হবে। অদূর ভবিষ্যতে সব ধরনের প্রাথমিক বিদ্যালয়কে একই স্তরে নিয়ে আসার পরিকল্পনাও সরকারের রয়েছে। তিনি জানান যে, দেশে বর্তমানে সরকারী প্রাথমিক বিদ্যালয়ের সংখ্যা ৩৭ হাজার ৬৭১টি। রেজিস্টার্ড বেসরকারী প্রাথমিক বিদ্যালয়ের সংখ্যা ১৯ হাজার ৪২৮টি এবং নন-রেজিস্টার্ড বেসরকারী প্রাথমিক বিদ্যালয়ের সংখ্যা ১,৯৭১টিসহ অন্যান্য ক্যাটাগরির বেসরকারী প্রাথমিক বিদ্যালয়ের মোট সংখ্যা প্রায় ৪০ হাজার।